



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 48. Si valor rei vel fructuum fuerit varius intra tempus, quo sunt erepta,
vel consumpta, secundùm quem valorem sit restituendu[m].

urn:nbn:de:hbz:466:1-42561

fas, tum quia dolus non debet illi patrocinari ,
tum etiam quia sic meliorando fecit injuriam
damnosam, quam non potest reparare, nisi resti-
tuendo rem non deductis expensis, ergo ad hoc
tenetur : putatque *Sanch. n. 145.*, quamvis do-
minus postea sit solvendo, tamen non teneri re-
fundere expensas , sed oppositum videtur pro-
babilius cum *Navarra & Petsch. p. 577.*, quia com-
pensatum est illi totum damnum , uti suppono ,
videtur autem iniquum, ut melioramentum ha-
beat gratis & cum damno alterius, uti *n. 226.* di-
ctum est.

§. 26. Compensatio pro expensis deduci de- 229
bet ex fructibus perceptis, quamvis hic consum-
pti sint, & possessio, etiam bona fidei, non sit ex
his factus ditior , quia quod plures fructus percep-
tit , eò minùs censetur de suo expendisse pro re
domini, recepit enim fructus perceptos, non ali-
ter ac si dominus aliunde dedisset illi æquivalens
pro his expensis, quod ipse dilapidasset, alioquin
non dilapidatus, nisi recepisset, unde quod ex
illis non sit factus ditior, sibi imputet, reipsa enim
accepit fructus , qui erant compensatio pro ex-
pensis, ita *Petsch. suprà.*

Q. 48. Si valor rei vel fructuum fuerit varius in- 230
tra tempus, quo sunt erepta & consumpta , secundum
quem valorem sit restituendum. R. Non debet atten-
di præcisè ad valorem, qui fuit, sed ad damnum ,
quod domino illatum est & compensari debet :
ut autem hoc damnum taxari possit, probabilius
est attendi debere ad tempus, quo iniquus deten-
tor rem consumpsit , & quo à domino fuisset
consumenda vel distrahenda , ita *Med. Vasq.*
Mol. Rebell. Turr. aliquique cum *Lugo d. 18. n. 121. 5*

&

& in re consentit Dicast. de Restit. d. 2. n. 29. Ratio est, quia si reparetur damnata, quod domino causatum est, reddit æqualitas, & tantundem est, ac si nihil fuisset erectum vel detentum, ergo satisfit sic restituendo: ut tamen hoc melius intelligatur, addenda sunt aliqua: quod autem dicam de re, intelligendum est etiam de fructibus, quando hi restitui debent.

231 §. 1. Valor rei potest variari, vel intrinsecè vel extrinsecè: intrinsecè variatur, si res in se fiat vilior aut melior, sic pullus equinus, dum est juvenis, est in se vilior, cùm adolevit, est in se melior, cùm senescit, iterum fit in se vilior. Extrinsecè variatur, si res in se manens eadem, jam pluris jam minoris æstimetur, v. g. propter copiam vel raritatem ejusmodi rerum, propter multitudinem vel paucitatem emptorum; & sic fieri potest, ut idem triticum, quod in Januario valuit tribus, valeat in Augusto quatuor, in Octobri duabus aureis.

232 §. 2. Non semper sufficit restituere valorem, quem res habebat eo tempore, quo dominus eam consumpsisset vel alienasset, est communis cum *Fls. t. 4. d. 3. n. 152. contra Bonac.* de Restit. d. 1. q. 3. p. 11. n. 9., cuius sententiam *Rebell.* & *Dian.* vocant probabilem, *Lugo* autem n. 119. negat esse probabilem: Ratio est, quia aliàs furtus pullum equinum, quem postea factū equum vendidit 40. aureis, satisfaceret restituendo 10. aureos, si dominus eum pullum adhuc juvenem fuisset venditus 10. aureis, hoc autem dici non potest, nam postea factus equus valuit 40. aureis, & fur tum injustè detinuit & vendidit, ergo ex hac injusta usurpatione tenebatur hunc valorem

rem restituere, quām primū habuit, ergo etiam tēnetur postea. Nec obſtar, quōd dominus pro illo tantū habuiffet 10. aureos, adeoque videatur paſſus dānum tantū 10. aureorum, nam contrā eſt, quōd quando equus creverat ad valorem 40. aureorum, equus erat res domini, ergo 40. aurei ſpectabant ad dominum, quibus cūm privetur dominus, utique dāmificatur in toto illo valore rei ſuæ. Admittunt hæc nobis scum Laym. I. 3. t. 2. c. 4. n. 6. Leſſ. I. 2. c. 12. n. 105. & Dicāſt. n. 37. in rebus, quarum valor intrinſecē creverat, ſed ſi tantū extrinſecē creviſſet, v.g. ſi fur in Auguſto conſumptiſſet triticum, cujus valor tum creverat ad 4. aureos, & dominus non fuifſet conſumpturus niſi in Octobri, quo valor decreviſſet uſque ad 2. aureos, putant non tene- rire ſtituere niſi 2., quia incrementum extrinſecum non erat aliquid domini, nec propriè ſpe- ctans ad rem, ſed conſiſtebat in extrinſeca æſti- matione hominum, quæ poſtea periit ſinē culpa furis, ergo dominus non patitur dānum ra- tione rei ſuæ, neque habet jus ad p̄tium rei ſuæ, niſi quatenus opus eſt ad refaciendum dānum, nec fur ex culpa ſua reportat commodum, ſed ex diuerso eventu rerum. Hanc ſententiam dicit Petſch. p. 223. eſſe valde probabilem & in praxi tutam, tamen tamen oppofitam cum Lugo, quam Tamb. I. 8. t. 3. c. 2. §. 7. n. 13. vocat veriſſimam, ratio eſt, quia etiam extrinſecus valor ſpectabat ad dominum, & licet eſſet physicē extrinſecus rei, erat tamen moraliter intrinſecus, cūm face- ret pluris vendibilem, ergo dānum eſt domi- no, quōd per injuriā furis hoc valore privatū ſit.

§. 3.

233 §. 3. Non est semper obligatio restituendi summum valorem, quem res habuit intermedio tempore, quo erpta & à fure est consumpta, v. g. si pullus equinus tempore, quo fur eripuit, valebat 10.; factus equus, 40.; postmodum, cùm senuerat, à fure venditus sit 10. aureis, fieri potest, ut fur non teneatur restituere nisi 10. aureos, ita Lug. n. 120. ILLs. n. 160. contra Nav. Gabr. Silv. Angel. Malder. & alios, quorum sententiam Laym. & Lug. vocant probabilem. Ratio nostra est, quia si Dominus etiam fuisset conservaturus illum equum usque ad illud senium, ita ut postea non valuisset ipse nisi 10. aureis, non videtur ipsi causatum damnum nisi 10. aureorum, quamvis enim perierit valor medii temporis, tamen perit sine culpa furis, eodem modo periturus, si equus apud dominum mansisset, ergo dominus non est à culpa vel dilatione furis passus hoc damnum, ergo satisfacit fur, si restituat equum secundum hunc ultimum valorem, & compenset damna ac lucra totius temporis.

234 §. 4. Si dominus fuisset rem suam venditrus intermedio tempore, quo summum valorem habebat, aut si ideo tali summo pretio debuerit aliam emere, patet furem teneri restituere summum illum valorem, quia in tantum damnificavit dominum: quod si eo tempore intermedio dominus ipsem fuisse consumpturus aut donaturus amico, adhuc tenetur fur valorem hujus intermedii temporis restituere, quia fuit injusta causa, ne dominus re suâ eo tempore uteretur, ergo debet reddere tantum, quantum valebat ille usus, nec satisfacit reddendo nunc rem similem, ita Lugo n. 123. Tamb. n. 9.
Petsch.

Petsch. p. 221. fil. n. 164. contra Vasq. & Turr. E contrà si dominus eodem tempore rem suam consumpturus vel alienaturus erat, quo fur consumpsit, hic tenetur tantum restituere, quantum valebat, quia dominus plus non est damnificatus, quam in valore, qui tum erat. Ad quid tenetur, qui distulit restitutionem ex causa, si interea fuerit varius rei valor, dicetur n. 252.

§. 5. Si dubitetur, quanti res fuisset valitura, 235 an apud furem sit deteriorata, an à domino fuisset ad aliud tempus servanda, &c. videri possunt dicenda n. 576.

§. 6. Si quis hodie occidat pullum equinum 236 alterius, qui post aliquot annos valueret 40. aureis, *Arrag. Sotus, Bann. & Salon* dicunt restituendos esse 40. aureos, sed communis & vera sententia est cum *Molin. Less. d. 19. Dicast. n. 117.* non esse obligationem restituendi, nisi quantum pullus judicio prudentum spectatis circumstantiis nunc valebat, quia sic datur æquale, & reparatur damnum: limitat rectè *Lug. n. 81.*, si dominus pretio isto potuerit comparare similem, si enim non potuit, injustè patitur damnum, quod ex carentia illius pulli provenit: & idem est de aliis rebus frugiferis, v. g. si tenera arbor præscindatur, nec possit in locum substitui alia, si quis ovem furetur, quæ protulisset multos agnos, nec potuerit alia similis haberi. Et secundum jam dicta explicari debet *S. Th. opusc. 73. c. 20.* dicens, si res ablata ex sui natura possunt secundum naturam temporis augeri & crescere in pretio, tunc tenetur spoliator restituere premium ipsarum rerum, quod valitura erant secundum naturam rei &

Tom. II.

K

sem-

temporis, in tempore, quo vult restituere eas: intellige, si dominus aliunde non patiatur ideo damnum.

237 *Q. 49.* Ad quid teneatur, qui succedit possessori malæ fidei. *Re. §. 1.* Si huic succedat tanquam hæres immediatus, & rem ab hoc acceptam consumat, etiam bonâ fide, neque inde sit factus ditior, tenetur restituere ex injusta acceptance, non sua sed antecessoris, quem repræsentat, & cum quo per fictionem juris facit unam personam, ideoq; in ejus obligationem succedit, hinc tenetur restituere rem & fructus, item compensare damna & lucra cessantia ex mala fide antecessoris orta, quantum vires hæreditatis patiuntur, uti probabilitius tenet *Lugo d. 17. n. 79.* Quod probabiliter etiam verum est de hæredibus mediatis, uti dicitur *n. 490.* Si tamen possedissent bonâ fide orta ex alio titulo quam hæreditatis, jam mala fides antecessoris esset purgata, neque amplius censeretur causa damnorum consequentium; undtantum tenerentur ex re accepta à tempore hujus bonæ fidei.

238 *§. 2.* Si bonâ fide succedit, non ut hæres, sed alio nomine, v. g. ut legatarius, donatarius, emptor, non tenetur ex injusta acceptance, sed tantum ex re accepta, quia non facit unam cum antecessore personam, neque censetur succedere in vitiis personalibus, quale est mala fides. Idem valet de Superiore Religioso, qui bonâ fide succedit antecessori malæ fidei, non enim succedit propriè ut hæres, sed uterque est tantum administrator, & posterior succedit vi electionis vel nominationis, ergo bonæ fidei ipsius non nocet mala fides antecessoris. Vide dicenda *n. 490. & 491.*

Q. 50.